

دیوان

بجلیک یاریں

شعر

نصر سلیمان



مکتبہ بصری قرآن

بطاقة فهرسة

حقوق الطبع محفوظة للمؤلف

مكتبة جزيرة الورد

اسم الكتاب : ديوان بحبك يارب

المؤلف : نصر سليمان

رقم الابداع ٢٠١٧/٩٨١٣

التقييم الدولي / ٩٧٨-٩٧٧-٦٥٦٥-٨٩٠٠

الطبعة الأولى ٢٠١٧



مكتبة جزيرة الورد

القاهرة : ٤ ميلان حليم خلف بنك فيصل

ش ٢٦ يوليو من ميلان الأوبرا ت: ٠١٠٠٠٤٠٤٦-٢٧٨٧٥٧٤

بِسْمِ اللَّهِ الرَّحْمَنِ الرَّحِيمِ

Obseikan.com

■ ■ بحبك يارب

(١)

بنورك يارب

بحبك يارب

واسبح بحمدك

وباشتاقل لودك

بيغمرني عطفك

ويحفظني لطفك

بنورك يارب

بحبك يارب

(٢)

يارب حبك

مطلبي

هداني ليك

نور النبي

هدانا للايمان

والعدل والاحسان

على هديه

حييتك

وبقلبي لبيتك

بنورك يارب

بحبك يارب

(٣)

انت الملاذ

والحمى

في دنيا غادره

وظالمه

الشرفيها

طوفان

نجينا بالقرآن

يارب يا رحمن

ثبتنا بالايمان

يارب

نور محبتك

يفيض علينا

برحمتك

بنورك يارب

بحبك يارب

(٤)

يارب أملي

رضاك

وأعيش في ظل

حماك

لا قلبي

يوم ينساك

ولا يفارقني

هداك

دايما يارب معايا

عفوك

في كل دعايا

يارب

نور محبتك

يفيض علينا

برحمتك

بنورك يارب

بحبك يارب



■ ■ أحب رحمتك

كل شيء

وسعته رحمتك

بالمؤمنين رؤوف

يسبحون قدرتك

رحيم... ودود

غفور... كلمتك

الكون ب " كن

رهن مشيئتك

أحبك الهي

أحب رحمتك

...



■ ■ أجمل حقيقة في قلبي

(١)

أنتي و حبي

أجمل حقيقة

صاحبت دربي

وسكنت قلبي

(٢)

أنتي و حنانك

شهدك ... كلامك

أجمل ما يسعد

روحي و قلبي

(٣)

حبك ... همسك

روحك ... شمسك

أصدق ما شفت

وعشت بقلبي

(٤)

أنتي الحبيبة

في دنيا غريبة

أنتي القريبة

لروحي وقلبي

...



■ ■ أحلى غنويا..

دائما قلبك

ويايا

روحك

أحلى غنويا

غناها قلبي

معايا

رددتها الطير

في سمايا

...

كلامك

نبع حنان

والنظرة

شط أمان

واللمسه

فيض احساس

والهمسه

قمر وناس

دايما قلبك

ويايا

روحك

أحلى غنويا

غناها قلبي

معايا

رددها الطير

في سمايا



افرد جناحك

(۱)

افرد جناحك

واعشق بروحك

الفضا

وخلي قلبك

يحب حبك

والرضا

الامس عدى

عيش النهارده

واحلم لبكره

باحلى فكره

تضمننا

وفي لحظة

ربي

قادر يحقق

حلمنا

(٢)

افرد سماحك

واطوي جراحك

انسى آهاتك

وعيش حياتك

حب الناس

حب الاخلاص

واحلم لبكره

باحلى فكره

تضمننا

و في لحظة

ربي

قادر يحقق

حلمنا



■ ■ اقرب من وريدي

اقرب

من وريدي

انا جيہ

ياخذ بايدي

نوره

يهدى القلوب

رحمن

غافر ذنوب

...

فضله وغفرانه

الجنه باحسانه

بعفوه يكر منا

يارب اقبلنا

...

في ليلة الاحسان

يارب يا رحمن

املنا في الغفران

والعفو في رمضان

...

ليلة

ملايكة ونور

الخير

في قلوبنا يدور

البركه عنوانها

والسلم يغشاها

الخير في زمانها

والعفو بشرها



■ ■ السماح منکم

(۱)

السماح منکم

قلبي لسه عندکم

لا أقادر أعیش

من غیره

ولا لیا

قلب غیره

وهو

داب عندکم

السماح منکم

(۲)

السماح

بسمه حلوه

للفؤاد

السماح

نجمة طاله

بالوداد

السماح

قمره... نسمه

السماح

أحلى همسه

السماح منكم

قلبي لسه عندكم

(٣)

السماح

يكفي قلبي

السماح

هو حبي
واللي راح
منا يكفي
يكفي حزني
يكفي أسفي
النهادرة هو احنا
لما بالحب فرحنا
تفرح الدنيا معانا
والهنا ينور سمانا
والسماح منكم
قلبي جابني عندكم



■ ■ القلب البخيل

(١)

القلب البخيل

لا يعرف يحب

ولا يقدر يميل

القلب البخيل

لا عمره يحن

وضيه قليل

(٢)

القلب الاناني

وهبته حناني

والود وزماني

اتنكر لودي

وبهجره رماني

ده القلب البخيل

لا بيعرف يحب

ولا يقدر يميل

القلب البخيل

لا عمره يحن

وضيه قليل

(٣)

القلب المتعالي

حيآسي الليالي

لا عمري اسامحه

ولا يوم

أنسى جرحه

حاسبيه لوحده

من كبره يعاني

وما يخطر ببالي

القلب الاناني

ده القلب البخيل

لا بيعرف يحب

ولا يقدر يميل

القلب البخيل

لا عمره يحن

وضيه قليل



■ ■ القلب ساجد

القلب لربه ساجد

عاش بحبه حامد

لا يعرف القسوه

ولا هو قلب جاحد

دايما نابض بذكره

شاكرا للرب عابد

...

في القلب

جنينة نور

فيها المحبة

تدور

وتنشر الرحمة

کعطر احلی

زهور

ده القلب

لربه ساجد

عایش بحبه

حامد



■ ■ القلب عيده

القلب عيده

لما يرضى عليه

حبيبه

خاشع لربه

يحب حبه

راضي

بنصبيه

...

العمر يجري

والدنيا تلهي

والقلب شوقه

رضا حبيبه

...

الدنيا رحله

تشقى... وتحلى

لكن مناه

جنه حيبه



■ ■ الله ربي

الله ربي
نور هداه
يضوي في قلبي
محمد نبي
حبيب الله
هداني لربي
باسمع نداه
وماشي في دربه
قلبي في صلاه
نابض بحبه
هو الشفيح
كرمه ربه

أملی رضاہ

ووده وقربه

نفسی اشوفه

بروحي وقلبي

ويكون لقاءه

رحمة ربي



■ النور

خالق الجمال

النور

رب القلوب

غفور

على عباده

صبور

يحب عبده

شكور

في رضاه

جنه و حور

وكله في

الكتاب مسطور



■ ■ الودود

رحمته

من غير حدود

يغفر الذنب

الودود

هو ربي

رب الوجود

يحب عبده

لما يعود

التوبه .. رحمه

والاخلاص سجود

لمشيئة الرحمن

والملايكه شهود

باب جتته

رضاه

الواحد المعبود



■ ■ اليسر

إلى القلب المرهف أكتب :

...

(١)

اليسر

خير ومحبة

ونور

يضم أحبة

ينزع همومهم

وآلامهم

ويحط في قلوبهم

وردة

(٢)

اليسر
شع رباني
رددته أنا
بلساني
وبقلبي
والروح
الساجدة
...

(٣)

اليسر
أملّي
ومذهبي
بشرني بيه
سيدنا النبي

يملى حياتي

رضا

ويخلي شمعاتي

قايده



■ ■ ■ انه عليك يا قلبي

انه عليك

يا قلبي

تايه في العتمة

دربي

العمر منا شارد

والحب بينا جاحد

والذنب هو ذنبي

...

انه عليك

يا قمري

ما بقاش كتير

في عمري

تعالى وعيش

في قلبي

وعيش معايا

حبي

...

ان كان

فيه عمر فات

ومرارة ذكريات

تعالى

نخلي يومنا

جنينة ورد حلوه

نحضن

في كل لحظة

نبض الوداد

في غنوه

تحكى لنا عن هوانا

عن شوقنا ... عن هنانا

ونقول للدنيا احنا

حبينا بنبض روحنا

وشقينا كثير

ولكن

سامحنا اللي جرحنا

ده احنا عى طول حبايب

في القرب ... وهو غايب

تجمع قلوبنا نبضه

و شوق هوانا ومضه

تنور الليالي

والعمر معاك

يا غالي

بيمر زي لحظه



■ بالحسنى

بالحسنى أمرنا ربي

بالحسنى يعيشها قلبي

بالحسنى انطفئ ذنبي

والنور حبيبي في دربي

...

الدين في الأرض

متين

واليسر من روح

الدين

والرب رب كريم

يارب ارحمنا... آمين



■ ■ بنحيني

(١)

بتحيني... سامحيني

وبالمحبة عاتيني

لا يهون عليا جرحك

ولا انتي حتجرحيني

عاتيني... سامحيني

(٢)

انا قلبي مسامحك

وان آلمني جرحك

ده انتي الحبيبة

وانا حبييك

وفي الجراح

قلبي طبيبك

بتحبيني... سامحيني

وبالمحبة عاتبيني

(٣)

لو كان فيه فراق

حيبقى الحب بينا

حيعيش قلبي مشتاق

ليوم يجمع ما بينا

بتحبيني... سامحيني

وبالمحبة عاتبيني

لا يهون عليا جرحك

ولا انتي حتجرحيني

عاتبيني... سامحيني



■ بذات الصدور.

بذات الصدور

ربي عليم

بسر النوايا

بصير حكيم

لطيف بعبده

نور كريم

احبك ربي

عفو رحيم

...



■ ■ بنت قلبي

(١)

يا بنت قلبي

من كتر حبي

باحس انك

تملي جنبي

باشوف بعينك

واحس قلبك

افرح لفرحك

واشقى لحزنك

واتمنى عمري

أعيشه جنبك

في حضن حبي

يا بنت قلبي

(٢)

يا بنت عمري

قسمتي .. وبدري

من يوم ما شفتك

الدنيا أحلى

واليوم معاكي

بقي عندي أغلى

واتمنى عمري

اعيشه جنبك

في حضن حبي

يا بنت قلبي



■ ■ نجلای ربي

(۱)

تجلي ربي
فسجد قلبي
وسمت روحي
واهتدى ليا دربي

(۲)

كتمت دمعي
في قلبي
ناجيت في الدجى
ربي
أغثني
من دجى همي
وللحسنى

بدل ليا ذنبي

(٣)

برحمتك وغفرانك

باكرامك واحسانك

تقبلني وارحمي

وبالحسنى تعاملني

فأنت الكريم

وأنا عبدك

وأنت المرتجى

وودك

هو المبتغى

لقلبي

يارب اقبلني

واغفر ليا ذنبي



■ ■ نخلى قلبى

تخلى قلبى

عمن سواك

تعلق نبضى

بفيض رضاك

احبك ربي

تجلى ضياك

احب نبيك

نور هداك

نور المحية

نال رضاك

وهبته الشفاعة

يوم لقاك



■ ■ نعبت من غربتي...

(١)

تعبت من غربتي

تعبت من وحدتي

كل الصباح حواليا

ما قدروا يملوا عليا

لا قلبي ولا دنيتي

تعبت من غربتي

(٢)

تعبت

من كذب العيون

زيف الضماير والظنون

وقلوب تحب

تخون بجنون

ووشوش باشوفها

بالف لون

تعبت من غربتي

تعبت من وحدتي

كل الصحاب حواليا

ما قدروا يملوا عليا

لا قلبي ولا دنيتي

(٣)

تعبت من آهه

لسه في قلبي مكتومه

تعبت من أحلام

تصحاتييات

محرومه

روحي حيرانه

بقالها سنين
والقلب في الغربية
وحيد وحزين
تعبت من غربتي
تعبت من وحدتي
كل الصحاب حواليا
ما قدروا يملوا عليا
لا قلبي
ولا دنيتي
تعبت من غربتي



■ ■ نوعديني...

توعديني

نبقی واحد

قلب واحد

مهما كان

توعديني

بالمحبة

بالتفاهم

والحنان

صدقيني

قلبي طائر

قلبي حابر

من زمان

توعديني

تبقي شطي

تبقي خطي

على الدوام

تفهميني

من سكاتي

تبقي ذاتي

من غير ملام

اعذريني

قلبي حالم

قلبي هايم

مع أحلام



■ ■ جرحني دمعي

(١)

جرحني دمعي
وتأمت خطوتي
في ظلمي وظلمتي
وعصنتي كلمتي
ما بقاش حد ليا
غير جرحي وغرتي
جرحني دمعي

(٢)

ان كان فيه شئ فاضلي
ان كان فيه شئ يكون لي
هو قلبي محبتي

ومرارة غربتي

ما بقاش حد ليا

غير جرحي وقسمتي

جرحتني دمعتي

(٣)

العمر كله راح

ما بين بكى وجراح

والحلم الي عايش بيه

لا يبهدى ولا بارتاح

ما بقاش حد ليا

غير جرحي وغربتي

جرحتني دمعتي

(٤)

يارب بين رحمتك قلبي

قادر تنور بالهدى دربي

وتمسح دمعتي بحبك
وتهدي خطوتي لدربك
وتفرح بالرضا روعي
ويعيش القلب على عهدك
ما بقاش حد ليا
غير رب الدنيا ديه
هو اللي بيسامح
وبعفوه اتصالح
مع كل الدنيا ديه
تنور خطوتي
تبدد غربتي
وارضى بقسمتي
وتفرح دمعتي



■ حبك خلاني واحد تاني

(١)

حبك خلاني

واحد تاني

حاسسني

بأسمى معاني

عرفني احب

كل الناس

واعيش حبي

بالاخلاص

حبك نورلي

الدنيا

عيشني

حياة ثانية

حبك خلاني

واحد تاني

حاسسني

باحلى معاني

...

(٢)

حبك عيشني

معنى الوفاء

حب العطاء

حب الفداء

حبك فرحني

بعد جراح

نسائي

مرارة

عمر راح

علمني

احب السماح

حبك نورلي

الدنيا

عيشني

حياة تانيه

حبك خلاني

واحد تاني

حاسسني

بأرق معاني



■ ■ حبيب الله

حبيب الله

المحبه

جمعت أحبه

في نور هداك

رسول الله

أحبك

أحب من

يحب ضياك

ده نورك

يحيى قلوب

عاشقة خطاك

من غير ما اشوفك

حيبتك
قلبي يراك
في كل رحمة
وكل خير
ربي حباك
قلبي يصلي
عليك وروحي
مع ذكراك
أنت الامين
قلبك رحيم
في كل دعاك
أنت الحبيب
يجمعنا ربي
تحت لوائك



■ ■ حبيت حبيك

حيت حبيك

ونور هداه

في يمينه

هدتني اليه

ونور الشمس

في جبينه

...

يا باب اليسر

والاحسان

دعيت بالحسنى

للرحمن

يا باب الخير

والغفران

لكل الكون

والإنسان

...

يا باب الرحمة

للامه

بنور الحق

والكلمه

كشفت الليل

والغمه

وبالحكمه

جمعت حوايك

الأمه



■ ■ دنيا جديدة .

(١)

في قلبي

حب وحبية

هداني لدنيا

جديدة

بعد أيامي الصعبة

صحا احلامي

البعيدة

خلي ليا

أغلى شئ

في الدنيا ديه

حب صافي

قلب دافي

اخاف عليه

ويحس بيا

(٢)

جاني حبك

بعد غربة

وشوق لبكرة

جاني قلبك

بالمحبة

واحلى فكرة

أنسى جرحي

وكل ذكرى

تدمي قلبي

واعيش لحبي

اعيش لبكرة

حبي هو
الدنيا ديه
اغلى عندي
من عينيه
حب صافي
قلب وافي
اخاف عليه
ويحس بيا

(٣)

حبيك .. ده حلم
عائش جوايا
في عزليلي
فضل هناك ويايا
نستنا بدرك
في سمايا

ولما شفتك

روحي عشقت

وقلبي حبك

حب صافي

ود دافي

أغلى عندي

من عينيه

اخاف عليه

ويحس بيا



■ ■ رحماك ربي

رحماك ربي

اهدي لي دربي

اغفر لي ذنبي

نور لي قلبي

فرج لي كربى

ظللني دوما

بحماك يا ربي

...



■ رضا الله..

(١)

رضا الله

هو المنى

للقلب هو

المرتجى

يملاه سكينه

ورضا

مهما يعانى

من شقى

نور الاله

هو الهدى

واليه يكون

المنتهى

يا سعد

من نال الرضا

في الدنيا

وفي يوم اللقا

(٢)

رضا الاله

طوق النجاه

دنيا ودين

للمؤمنين

الصابرين

المحسنين

التائبين

هو الرحيم
رب القلوب
يفرح بعبده
لما يتوب
نور الاله
هو الهدى
واليه يكون
المنتهى
يا سعد
من نال الرضا
في الدنيا
وفي يوم اللقا

(٣)

يارب انعم

بالرضا

على القلوب المؤمنه

نور قلوبهم بالهدى

واجعلها بيه مطمئه

ومهما كانت من ذنوب

التوبة تسعد القلوب

ربي كريم

من غير حدود

ربي حلیم

ربي ودود

نور الاله

هو الهدى

واليه يكون

المنتهى

يا سعد

من نال الرضا

في الدنيا

وفي يوم اللقاء



■ ■ روجي شايفكي

روحي شيفاكي..

قلبي وياكي..

ونسمتك هلت

بالفرح يا ملاكي

....

قلبك بيندهلي

تعالى ويايا

دنيته هيه

في القلب

دنيايا

وأنا بأغنيك

يا حبي

يا منايا

روحي

شيفاي

قلبي وياكي

ونسمتك هلت

بالفرح ياملاكي

...



■ ■ طاقة نور

(١)

افتح لقلبك

طاقة نور

خليه يحس

يحب

يثور

على كل

زيف وضلال

وغرور

على كل كذب

وكلمة زور

افتح لقلبك

طاقة نور

...

(٢)

ليه يضيع

من قلبك

حلمك

ليه في قلبك

تكتم همك

ليه تعيش العمر

في ندمك

فارق الأحزان

وجدد الحياة

بأملك

وافتح لقلبك

طاقة نور

خليه يحس

يحب

يثور

...

(٣)

لا عمر يوم

الدنيا

دام لها حال

ولا عمر

دام الليل

وان طال

عيش لبكره

واعشق نهارك

وببحر خيرك

حتطفي نارك

وافتح لقلبک

طاقة نور

خلیه یحس

یحب یثور

...



■ ■ غابت أمي عني

من غير وداع

غابت أمي عني

قلبي غاب وضاع

هرب الدم مني

جرئت عليها

بقلب يتيم

لقيت فراغ

وجرح أليم

كانت ملاذي

حضن الامان

مهما تآسي

نبع الحنان

كانت تحس
بنظرة و همس
تمسح بعينها
حزني و ألمي
ما هي أمي
عايشة في دمي



■ ■ فداكي روحي

(١)

فداكي روحي

فداكي قلبي

جاتني الحياة

مادمتي جنبي

(٢)

مهما أقول

واحكي عن حبي

نبع المحبة

بيجري في قلبي

فداكي روحي

فداكي قلبي

جاتني الحياة

مادمتي جنبي

(٣)

انا روجي

حييتك

وعينه عشقتك

ومهما يقولوا عني

بأحب محبتك

فداكي روجي

فداكي قلبي

جاتني الحياة

مادمتي جنبي



■ ■ في حزن أمي

(١)

في حزن أمي

باشكي لها همي

تحس بيا

يدوب في ثانية

والأمل يملا عينيه

(٢)

في حزن أمي

ود وسكينه

ورد الجنيئة

وحاجات كتيره

بأ حس بيها

ما أقدرش اعبر
وليه.. أفكر
ده حزن أمي
عمري ودمي
بأشكي لها همي
تحس بيا
يدوب في ثانيه
والأمل يملا عينيه

(٣)

في حزن أمي
بيجري دمي
بيني وبينها
يروى حنينها
ويدفي قلبي
في حزن أمي
أشكى لها همي

تحسن بيا
يدوب في ثانية
والأمل يملا عينيه

(٤)

ده حزن أمي
هو الحياة
طوق النجاة
من غيره أتوه
في الدنيا ديه
أشكى له همي
تحسن بيه
أدوب في ثانيه
والأمل يملا عينيه
في حزن أمي
في حزن أمي



■ ■ في يوم العيد

في يوم عيدها شدا لها :

...

في يوم العيد

ناديتني

بحسنا

...حورية

شدتني بسمتها

ورقة قلبها

...في ثانية

فكرت اهاديها

وأعبرع الي جويها

باتمنى ألقياها

عائشه دنيايا

فكرت في هدية

شمعه بيضا

ورده حمرا

ورده صفرا

منورة ندية

بسمه حلوه

وروح وفيه

...



■ ■ قلب حامد

قلب لربه

حامد

في نور

حبه عابد

والدنيا مهما تعانده

وقلبه صبور

زاهد

مشتاق لعفوربه

والنبض له ساجد

مشتاق الرضا

عمره ما كان جاحد



■ ■ قلبي حزين

(۱)

أنا قلبي

حزين .. حزين

بيكي أنين

لا قادر يخبي

وحنقه حنين

(۲)

لا قادر يسامح

ينسى .. يصالح

ولا قادر يفوتكم

ويهجر حياتكم

ده قلبي حزين

بيکي انين
لا قادر يخبي
وخنقه حنين

(۳)

قلبي ببعصاني
معاکوا ينساني
انتو عليه بتاسوا
وانا عايش لاحزاني
ده انا

قلبي حزين
بيکي انين
لا قادر يخبي
وخنقه حنين



■ ■ قلبي طير

(١)

قلبي طير

هايم حوالبيكي

وروحي نسمة

بتغني ليكي

غنوة حلوة

مشتاقة ليكي

روحي دايمًا

قريبة منك

تحكي عني

وتحكي عنك

(٢)

قلبي مشتاق
اليكي
ملهوفة الروح عليك
العين بتبكي فراقك
ووحشها ضي عينيك
روحي دايم
قريبة منك
تحكي عني
وتحكي عنك

(٣)

باحلم ب لقانا
على طول
وفراقنا ليه
بس يطول

ليه مننا

يضيع عمرنا

بين اشتياقنا

وصبرنا

روحي دايمًا

قريبة منك

تحكي عني

وتحكي عنك

...



■ ■ كنير بنتلاقى

(١)

كتير كتير بنتلاقى

من غير ما أشوفك

روحي تطير مشتاقه

تناجي طيفك

تخدني ليك

أحس بيك

نظرة عينيك

لمسة ايديك

باحس بيك

واحن ليك

واعيش معاك

أجمل حكاية

بدأت معايا

من غير نهاية

(٢)

باحس بيك

رغم البعاد

والشوق اليك

في قلبي زاد

ده حبي نور

حوالك يدور

يحس بيك

يغني ليك

يفرح غنانا

بأجمل حكاية

بدأت معانا

من غير نهاية



■ ■ للعالمين

للعالمين .. أنت بشرى

بالعالمين .. جئت رحمه

بنور الخير تسعى

فانهزمت كل ظلمه

أنت النبي الشفيع

رؤوف بخير أمه

حباك القادر كمالا

نورا للهدى كلمه

فجئت للعالمين

بدعوة خير تامه

...



■ ■ ما تلوموش

(۱)

ما تلوموش عليا

حبي

ما تلوموش

وتجرحوا قلبي

ده اللي حب

قلبي وروحي

ليه بتفر حكم

جروحي

ما تلوموش عليا

حبي

ما تلوموش

وتجر حوا قلبي

(۲)

كنتوا فين

لما قلبي

اشتكى

كنتوا فين

لما قلبي

بكي

دلوقتي ليه

بتلوموا عليا

انتوا امتي

حاستوا بيا

ما تلوموش عليا

حبي

ما تلوموش

وتجر حوا قلبي

(۳)

قلبي خلاص

عايز يرتاح

عايز ينساكم

ويطوي جراح

قلبي في البحر

سفينه

عايز أمان

شط سكينه

ما تلو موش عليا

حبي

ما تلو موش

وتجر حوا قلبي



■ ■ محبه القلوب

المحبه

يلهمها ربي

للقلوب

للنور هدايه

والطيبه ليها دروب

والروح شفافه

مشتاقه للمحبيب

...



■ ■ نفسي في حاجات كثير

(١)

نفسى في
حاجات كثير
مش فارس
ولا أمير
نفسى في
سماكي أطير
أسطورة من أساطير

(٢)

نفسى أغمض عينيه
وأبعد عن
الدنيا ديه

وما حد يبقى معايا

غير حبك

عائشه جوايا

نفسي في

حاجات كثير

مش فارس

ولا أمير

نفسي في

سماكي اطيير

اسطوره من أساطير

(٣)

نفسي .. نفسي

بس آه من أمسي

نفسي انسى

عمر فات

واعيش لبكره
بفرح آت
نفسي أغني
للحياه معاكي
واعيش حياه
تانيه وياكي
نفسي في
حاجات كثير
مش فارس
ولا أمير
نفسي في
سماكي أطير
أسطوره من أساطير



■ ■ نور أحلامك

قلبي

لما شاف حنانك

طير مهاجر

حب زمانك

فرد جناحه

حضن أغصانك

عشق و دادك

ورد كلامك

عشق مكانك

نور أحلامك



■ ■ نور بدرك [الحب ... حياة]

(١)

نور بدرك

فارق سماه

وعشقني

والحب حياه

سكن فؤادي

عشق ودادي

اديته عمري

و روحي معاه

عاشقه بكل جنون

ومعاه الصعب يهون

طاير بقلب حنون

حاسس بحب الكون

(٢)

غنيت لنورك أغنية

كلها حب و حنيه

وحلم بكره وهوانا

ساكن في قلبي و عينيه

عاشقك بكل جنون

ومعاك الصعب يهون

طاير بقلب حنون

حاسس بحب الكون

(٣)

نورك في قلبي

بيرسم لنا

دنيا جميلة

و أحلى ما فينا

حب و حنان

حضن الامان

عاشقك بكل جنون

ومعاك الصعب يهون

طاير بقلب حنون

حاسس بحب الكون

...



■ ■ نور قلبك

(١)

نور قلبك

نور دنيتي

وبحبك

حييت قسمتي

وعرفت أنسى

واتسامح

مع دنيا وجراح امبارح

ده معاكي

فارقطني آلامي

والفرحة

عاشت أيامي
والقلب العاشق
بيغني لهواكي
يا بنت أحلامي

(٢)

يوم ما شفتك
إخضر حلمي
ولما عرفتك
سبقني أملي
وقلبي عشقك
عشت عمري
أنتي بدري
أنتي قدرتي
ده معاكي

فارقطني آلامي

والفرحة عاشت أيامي

والقلب العاشق

بيغني لهواكي

يا بنت أحلامي

...



■ ■ يا بنت النور

(١)

يا بنت النور

في نورك

النجوم بتدور

وعطرك داب

في كل زهور

وسحرك

قلبي فيه

مسحور

(٢)

جمالك

بدر

في سمايا
وسحرك
للجمال آيه
في قلبي
صوره
وحكايه
لبنت النور
ليها طله حور
تنور كل ايامي
وقلبي بسحرها
مسحور



■ ■ يارب سبحانك

(١)

يارب سبحانك

ألمي في غفرانك

اغفر... وطهرنا

للخير... يسرنا

يارب... صبرنا

راضين بأقدرانا

عفوك... وغفرانك

يارب... سبحانك

(٢)

يارب إبراهيم

ونبينا الكريم

اهدي خطاونا

وفي حصنك ... احمينا

م الفتنة ... اعصمنا

من فيضك ... الهمنا

يارب صبرنا

راضين باقدارنا

عفوك ... وغفرانك

يارب سبحانك

(٣)

مهما فاضت ذنوبنا

عفوك يبحي قلوبنا

ده انت اللي خالقنا

والضعف مخلوق فينا

التوبة اليك طريقنا

يارب خد بايدينا

حبك ييملى علينا

الدنيا .. وساكن فينا

نورك ونور نبينا

يارب إبراهيم

انت الحليم

وودود ورحيم

وبقلوبنا يارب عليم

يارب ارحمنا

راضين باقدارنا

عفوك ... وغفرانك

يارب ... سبحانك



الفهرس

- ٥ باحبك يارب
- ٩ أحب رحمتك
- ١٠ أجمل حقيقة في قلبي
- ١٢ أحلى غنويا..
- ١٤ افرد جناحك
- ١٧ اقرب من وريدي
- ١٩ السماح منكم
- ٢٢ القلب البخيل
- ٢٥ القلب ساجد
- ٢٧ القلب عيده
- ٢٩ الله ربي
- ٣١ النور
- ٣٢ الودود

- اليسر ٣٤
- أندة عليك يا قلبي ٣٧
- بالحسنى ٤٠
- بتحبيني ٤١
- بذات الصدور ٤٣
- بنت قلبي ٤٤
- تجلى ربي ٤٦
- تخلى قلبي ٤٨
- تعبت من غربتي ٤٩
- توعديني ٥٢
- جرحتني دمعتي ٥٤
- حبك خلاني واحد تاني ٥٧
- حبيب الله ٦٠
- حييت حبيبك ٦٢
- دنيا جديدة ٦٤

- ٦٨..... رحماك ربي
- ٦٩..... رضا الله..
- ٧٤..... روعي شايفكي
- ٧٦..... طاقة نور
- ٨٠..... غابت أمي عني
- ٨٢..... فداكي روعي
- ٨٤..... في حزن أمي
- ٨٧..... في يوم العيد
- ٨٩..... قلب حامد
- ٩٠..... قلبي حزين
- ٩٢..... قلبي طير
- ٩٥..... كتير بنتلاقي
- ٩٧..... للعالمين
- ٩٨..... ما تلوموش
- ١٠١..... محبه القلوب

- ١٠٢..... نفسي في حاجات كثير
- ١٠٥..... نور أحلامك
- ١٠٦..... نور بدرك (الحب ... حياة)
- ١٠٩..... نور قلبك
- ١١٢..... يا بنت النور
- ١١٤..... يارب سبحانك
- ١١٧..... الفهرس

